

# 鳳岡林先生全集

卅之二

|    |   |      |       |     |
|----|---|------|-------|-----|
|    |   |      | 一八三九二 | 和書門 |
|    |   | 一七九二 | 函     |     |
| 六七 | 冊 | 架    | 類     |     |

|     |   |    |   |    |
|-----|---|----|---|----|
| 庫   | 文 | 閣  | 內 |    |
| 二〇五 | 函 | 二〇 | 架 | 和書 |
|     |   | 六  | 冊 |    |
|     |   | 七  | 冊 |    |
|     |   | 九  | 冊 |    |
|     |   | 二  | 冊 |    |
|     |   | 二  | 冊 |    |

|      |           |
|------|-----------|
| 內閣文庫 |           |
| 番號   | 和 18392   |
| 冊數   | 67 ( 23 ) |
| 函號   | 205 251   |



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





鳳岡林先生全集卷之三十一

淺草文庫

朝散大夫國子祭酒林信充士僖父 輯

詩部

七言律詩

鳥山林友 并序

鳥知山林之樂不知人之樂人知山林之樂不知與衆偕樂故詩不曰乎矧伊人矣不求友生然則山林之樂人亦不知之鳥亦不知之而唯在人意禽聲對語和氣之中者乎尾陽家長防州刺史織田貞幹竭

志勤勞致仕之後消遣世慮棲遲林丘徜徉盤桓任志所適而以鳥爲山林之友請群彥閑適之詩余有舊好因賦一律

歸去來兮陶老辭舊巢風靜日相思鳴皋鶴報孤山客伐木鳥歌小雅詩林路本無紅市險岩棲長有白雲期冥鴻一舉戈何慕却是人間不得知

文穆先生忌辰有感而作

四十二年忌景遷每逢佳節轉茫然公私任運生涯樂官祿浴恩身事全風月滿窓哦句少水雲隔戶枕書眠孫兒如達得天福期祝一家餘慶傳

先妣貞良孺人十七回忌辰追慕有餘因賦

一律

老境偏驚忌景遷澗毛采採漱清漣棘心感昔凱風過梅雨沾衣雙淚連默座亂吾方寸地別來送此十餘年定知大隊融融樂子葉孫枝家事全

謝實松玄林 并序

肥前老儒生實松玄林今茲八十有三好學弗措欲詣昌平坂大成殿然有故不遂其念因獻香資以表丹忱其志可以喜乃裁一律而述謝意

八十昂藏鬢髮叟翰林忘老撈文英風牛不及隔千里河鯉唯能過兩情暗合江濱采蘋祭明知廊廟獻芹誠憑誰傳語庭松回本是謠歌在武城

參議從三位菅君折寄菊華數枝請十日菊之詩因奉一律

秋叢寂寞悉枯槁節後黃花晚節全詞客無情空論日仙源有術欲延年三三徑古風霜冷九九陽過枝葉連昨已不非今亦是陶家載酒立樽前

和服部右史三首

並序

服部右史橘州詞士寄示詠雁三首韻礎

奇僻酬和險艱然愛雁之情可以見焉呼

曰鮑孤雁乎曰朱落雁乎或曰謝胡蝶乎

曰鄭鷓鴣乎曰梅河豚乎抑夫莊周之胡

蝶歐陽之鸚鵡偶相同者乎可謂好事一

端也因用韻押以供莞具

南極移光顧北杠行行成伍下寒江傾聞湖上淡燈夜休問郡中美味鉅卿國傳書書報信晴波落影影爲雙衡陽雲遠三千路絕勝風才百里麗千磐千陸自空降春北秋南何處邦同隊求居指彭蠡鳴飛着雪入廬缸公孫勵術發中射使客馳望來

去艘左右後前無亂序羽儀和月落寒窻  
風勢卷沙雲豎幢數行雁陣互橫撞漢旄全節上林  
苑梁塞擁山大壑涼目送寄情絃有趣怨聲和響笛  
無腔鄉思萬里知多少打起寒更對曉釭

塗月二日初雪喜客至

黃雲昨夜鎖天涯起見階前雪整斜寒透衣稜著温  
絮光搖銀海散空華先掛獅子吼泉水試煎鳳皇團  
月茶清興難題北臺壁短毫不忍和尖叉

鶴巢松樹

賀山本茂明母  
氏八十壽筭

蒼髯鬱鬱翠條稠鳴鶴將雛休又休萬壑垂陰清節

老九臯和響德音幽縞衣警露藍田飲輪翅乘風赤  
壁遊動植同修千歲約巢中亦自有蓬丘

雞峯正忌辰

世情移變夢中夢暮雨朝雲覺後空畫幅寫成如在  
貌錦囊剩得讀書功誰知憂鬱每哀惜暗記幽魂能  
感通強歲昔曾嘆永訣今爲七十八衰翁

拜詣

常憲廟恭賦一律以抒寸忱

自愧白頭身獨存感時濺淚采蘋蘩學追三代勵流  
俗威壓萬方絕舊痕李絳賜榮翰院笏公權應召浴  
堂論不才何幸飽恩惠餘澤長傳子又孫

奉和執政拾遺水野君偶成詩

和氣融融暖霽晴詩思託物忽然清唯存方寸忠誠  
志不負舊家勲業名芸閣繙書散囊帙松風度曲調  
竽笙深衣蟬冕理何異進退隨宜了此生

藝陽書生味木立軒席上謝佳招裁一律

蒼顏白髮年相若風日清和意氣俱梅雨漸晴近佳  
節苔蹊淨掃入幽衢野觴傳坐蒲城酒雲影移光蓬  
鳴圖温飽有餘居亦易應知國主眷恩殊

顯考四十三回忌辰

一夢四十三端午覺來淚滴湘江雨有常有變家世

遷爰居爰處羹墻觀飛蓬懶梳老齡傾角粽忘甘我  
心苦蘋蘩修祭絕他懷抱孫暗期似續祖

恭詣嚴有廟

常嗟天道太無情雲捲鼎湖龍下迎開國元功固難  
克守成勲業亦何輕商家賢聖繼前緒漢室英雄垂  
後榮四海一家知所止平章百姓悉昭明

濱木綿詩 并引

近歲或人所贈也其葉似芭蕉堅緻挾屈  
其幹似鐵蕉貞秀滑膩有時開花細白微  
薰厭寒惡冷喜暖傲陽名之曰濱木綿誠

是非尋常百卉所及也詞人歌客題詠亦  
希萬葉集中唯載柿本人麻呂歌曰生於  
熊野浦濱此其名所據也余甚愛其不蔓  
不枝不美不艷幽貌淡薄直操寂寞因賦  
一律以抒所思

彷彿芭蕉滴雨聲倒心斜界是天成熊峰移種靈苗  
秀鳳尾含風新葉清傳望乘槎空奉使神農堂藥竟  
忘名木綿曾入柿仙詠釋氏屈駒不足評

星夕  
遠望銀河欲問津金風吹霽月光新彩箋題字女兒

戲緇帙晒書孫子親天意從來勸耕織星盟何必事  
婚姻老衰任運養吾拙閑看人間乞巧人

示嫡男 并序

今茲嫡男四十二齡俗曰厄歲戒慎其身  
也嫡男亦從俗保畜防病六月晦厄日悉  
除當七月三日降誕之辰小龜出遊庭上  
舉家祝之因賦一律示余歡抃之餘乃同  
其韻

甲蟲部裡挺精靈曳尾泥中藏六形期祝長生拜天  
福現存遺教指家經幸除壯歲黃楊厄又喜乃翁皤

髮星世世儒林本根固芝蘭分種謝階庭

甲巖清福菴

并序

堀田備牧辭祿隱居名其庵曰清福身世  
悠悠游焉息焉無一顧之求無一點之累  
天帝之所太靳人間之所難得也千羨萬  
羨因寄一律

爲問清庵得何福松筠深鎖三四屋乘月肅吟瓊瑤  
樓植花醉卧錦繡谷朝雲暮靄萬戶候水田村隴千  
乘祿世事不知豈須聞想應殘生樂幽獨

中秋塾會

更無一字賞良辰萬語千言悉腐陳朝靄放光爲雨  
過晚雲報霽逐風新南山壽域祝君久北極老星近  
我親天運循環異人世古今同轍玉成輪

穎定先生五十七回忌辰

昔嘗和樂旣相翁白首祇今我獨存驚世詞才使神  
護連床夜語與誰論叢蘭無主敷新葉籬菊有英同  
舊根老去悲秋雙宋玉短些招得楚人魂

九月十三夜

我邦舊俗稱今夜更使佳名亞半秋匹似嶺南涼月  
賞併看斗北彩星流圓規輪轉八分足無射律高萬



物收對影知時觀剝象陽剛變化五陰柔

次信充韻

并序

我家嫡孫泰助卜嘉辰隨例頭戴白髮俗  
言謂之曰髮置嫡子信充作詩以祝萬壽無疆而  
英才有驗歡喜之餘乃同其韻  
朝靄含光五色萊津津佳氣示祥來明知雲鳳石麟  
夢暗覺水神玉骨才見藻成歡一家系龜蓮祝壽萬  
年盃階庭先見蘭芽苗待得春風芳信回

臘月詠雪

霰集雨收雲亦同紛紛白雪下遙空千山飛絕畢方

鳥萬戶欣逢藤六公風勢縱橫呵叉手寒光斜整眩  
雙瞳傍人莫笑倦詩律昔日壯夫今老翁

叻嗣雞峯三十七回忌辰

人去跡空無所尋佳城鬱鬱白雲深鴿原望斷頻求  
類臯鶴哀鳴誰和音天奪英齡才氣盡家遺衰老鬢  
霜侵舊懷與世悉移變不念別來追慕心

除日吟

八十筭齡逼歲除幼孫團坐稱姬魚官諫埋益雙男  
業私讀若稽千卷書黃耆晒黃心事懶白鬚加白髮  
毛疎富貧不管老涯樂悉是先君恩惠餘

常憲廟十五回忌辰  
 忌辰追遠日相思富貴威名忝一炊節序有時寒暖  
 改山河無異化風移淚先雨露濺花徑恨織烟雲亂  
 柳絲 靈廟巍存仍舊貫白鬚遺老不堪悲

顯祖忌辰

昔日窩中安樂叟風流文物萬人豪梅花空入浮山  
 夢蘭蕙漫吟楚客騷和氣填箎宜伯仲幼孫璋瓦說  
 曾高壯齡繼業主家祭四十餘年採澗毛

南山松竹

我家二子賀余八十  
 壽筭開宴各賦之

憑誰問起盧藏用終南佳處與吾共吟風哦月崔立

之老松二株竹千種休論泰岳大夫宮不羨渭川萬  
 戶封苞生茂陰得攸寧春酒醉舞歌雅頌

賀嫡男士僖任國子祭酒兼示次男禹玉

聞喜宴遊恩不輕祖先勲業及微生聖賢經傳垂教  
 戒伯仲頃篋舉譽聲七葉貂蟬時世久雙榜龍虎曉  
 雲晴腐儒衰晚無他願玉海金山期後榮

先考忌辰

無譽無毀繼名聲四十四回祭事成壯歲提撕前業  
 重老來期祝後昆榮 官恩飽荷一家惠宿志豈忘  
 方寸誠昔日侍生皆空窆白頭昏睡不勝情

哭和堅 并序

和堅字居默者讚州之產也年少離鄉景  
慕我家遠遊勵志不離我傍經年逐月學  
才漸進壯歲得不虞之譽近侍 幕下幸  
列儒官恩眷頗渥今茲孟夏罹病痰喘頻  
發藥灸無効俄爾遂瞑聞訃驚嘆不覺淚  
之下五十餘年之親炙真非群弟子之比  
也因賦一律以述餘情  
千里尋師入我門儒流不盡問淵源多年精力史書  
樂同學親朋交義敦六義堂高風月夕萬農池遠水

烟村擢身幸列青雲士 台座議論教化思

先妣忌辰孤子大內記林信篤感時追遠不

堪哀慕因賦律詩一章以抒愁情萬乙

鬱鬱佳城望不堪靈魂髣髴暗中探桑椹休辨兩般  
色蓮肉分恩一味甘鮓背屈腰嘆老坐烏啼反哺向  
誰談生前無慰慈心苦空送凱風吹自南

七夕漫吟

殘暑凌歎十九推金風玉露轉淒其曾聞天理有公  
道詎識星盟無絕期銀漢成橋鵲飛噪緱山乘駕鳳  
來儀稟才難化守吾拙樓上休吟乞巧辭

悼亡兄穎定先生

同胎同氣又同根祖業傳謀貽厥孫五十八回身世  
苦百千餘文髻霜繁死生有命喪公早禍福維天留  
我存舊日家風悉移變含情嘆往告靈魂

十三夜

秋光七十有三夜宿雨新晴見解殊燕陟遷鴻鴻寄  
札雀沈爲蛤蛤生珠肅霜分色銅瓶菊爽氣添明金  
井梧對月年年詩料盡更無一字燃吟鬚

謝館林侯惠菊花

黃白紫紅騮色勻何求范譜品名新清姿全勝杏桃

李晚節彌高松栢筠八百老仙傳術數一雙胡蝶託  
精神對花休說無知己彭澤又逢千歲人

蓬萊圖

三嶽峻嶒凌太虛鬱葱佳氣鎖仙居老松閱世四時  
茂靈藥養根千歲餘蒼背波高風定後鶴天雲霽日  
昇初年年方士每迷路不識吾邦存逸書

次或人詠雪韻

抱衾擁枕負佳景明暗隨風有去來忽起冰肩數升  
粟先開寒候一番梅丙丁童子潛書盡多少農家喜  
氣催不論朱門與茅屋人間富貴悉瑤臺

雞峯忌辰

衰老扶杖采澗蘋每逢諱日亂精神無譽無毀行藏  
理有子有孫內外親永訣三十有九歲殘生四萬八  
千身家風悉與昔時異地下料知世態新

除日述志

殘臘今宵看又過老來徧覺歲華催閨中婦磨降魔  
鏡膝上孫揚祝壽杯時運轉移知我少風騷會集爲  
誰開雖然未墜青雲志一寸丹心寒似灰

拜常憲廟

昔侍經筵荷恩惠今望廟宇斷愁腸管前惹恨千絲

柳海內加威半熟梁漢禮唐儀弘學術文謨武烈襲  
休祥聖靈有意人知否期得本支百世長

祝嫡孫著袴并序

嫡孫泰助今年五歲孟春十九日棟定良  
辰因循俗例著袴解紐表成長形一家欣  
歡不知舞蹈老後之慶何以加之乃和信  
充賀詩韻以祝千歲之壽揚九如之言云  
幼歲神智共追隨膝上預期事業宜玉液盃濃斟綠  
蟻彩雲臺遠祝玄龜昔聞燕姑香蘭夢今見謝家寶  
樹姿氣勢先知千里志渥注春水得麟兒

時俗流風感慨頻出門如遇異鄉人丹心傳業守清  
 白素志思誠不磨磷勿訝桑田變為海可嘆榆景早  
 移春庇陰餘慶足温飽身歷六朝齡八旬

賀佐渡守大久保常春五十英筭

并序

百年者壽之上者也未必有而亦未必無  
 也古昔老聃養性彭篯窮術麥丘之叟絳  
 縣之祖今人稀見之雖古人亦罕遇也廉  
 頗甲馬示其雄王剪城壁堅其守充國屯  
 田馬援矍鑠李百藥山池穿築柳公權步

履輕便春秋已高遐福無疆神氣逾壯天

壽施偏厚之類可屈指數也豈帝是而已哉

唐有九老圖宋有九老社名位皆榮衣冠

甚偉相傳以為盛典美談也麾下執事佐

州刺史藤原常春官家世臣武林俊秀預聞

國政抱忠致誠今茲甲辰三月二日集會

親族賀五十英筭始躋下壽動止強健皇

極五福敷錫方殷殆將自下壽而至中壽

自中壽而至十壽千歲之難得者蓋將取

以為當時故事垂之不朽可以期祝因賦

一律慶之賀之

半百齡高期百壽昨非今是老心安龜蓮千歲長生  
約鳧藻一家團坐歡盃酒猶餘玄臘味藥爐何覓碧  
霞丹林園花竹有和氣滿袖春風吹不寒

紅白牡丹

何論姚魏誇黃紫紅白交枝午景開絲萼含風頂丹  
鶴玉英舞羽出籠鵬若非薛壽醉醒色定是夷齊伯  
仲間知不尋常人世種雙輪日月碾天關

寄肥後拾遺

并序

肥後拾遺源君見余紅白牡丹詩被惠芳

和故別作杜若詩以呈案下若賜瓊報幸  
甚

偶向芳洲采杜衡報春花事悉終成詩家共稱少陵  
姓聖弟同傳有子名尖葉穿風青領角細枝照水紫  
雲英璽均去後楚江寂吾國八橋問業平

病後次信充韻

并序

今歲之春時候不齊風雨寒暖須臾改變  
至夏猶然仲春八日毒氣冒膚擁枕臥床  
更醫飲藥難得良方頽齡已逼或謂易箒  
戒慎恐懼頤養盡心漸次無妄十八九愈

閏四月朔始入城門幸近玉座奉拜

台顏胸襟豁然鬱氣頓散退公之後志

氣快活嗣子奈酒土僖甫作一律以慶以

祝孝心可見乃同其韻

五旬餘日卧書堂白髮變黃顏亦蒼靈藥先嘗孝情

切群邪收盡暮齡昌不求八石老聘術似得千金孫

氏方夏氣健人開壽域一家有慶欲來章

送神原政祐 并序

孟夏之日姬路城主拾遺源公令嗣政祐

君始賜官暇歸休家父城地一家之歡不

可枚舉余亦世世執交太睦聞之而喜祝  
之餘律詩一章以代禰飲

知得祖先勳業大千戈交影促行裝銀鞍曜日臨長

路錦袂含風歸故鄉赤石天晴碧灘急金華山遠白

雲揚休誇七葉珥貂美期祝蕭家世世芳

致仕之後述前朝之事

不才誤辱講筵招玉座恩光歲月遙文廟經營奈

儀備儒風興起德音昭幸逢榮薦鸚累鷲唯愧官班

豹續貂那箇殘生無幾日九重泉路待前朝

追悼顯考 并序



今茲甲辰端午正當顯考四十五回忌辰  
追遠感時哀慕不已僕雖不肖歷仕  
朝不被遐棄惠澤有餘內顧惟疚外責幸  
免身老形悴屢乞致仕幸蒙  
全領家祿僕亦特賜俸支隱料也足閑休  
以樂因賦一律抒其所思  
四十五回當忌景清貧處分富家書講筵惟昔重華  
席幽墅祇今懸小車心抱明誠嫌險幸身逢官惠免  
虛譽翰林風月照門戶悉是祖先勲業餘

星夕

佳夕雲晴報早秋白頭高卧卜菟裘天心本末益謙  
道人世空登乞巧樓橋上星盟仍舊式兩餘月色認  
風流我無官責與未願遠望星河休又休

和奉肥後拾遺秋懷之作

十暑九推涼已興藜床接語互相凭家門名望繩其  
武部下屬從麾以肱驚衆英才吞玉海祝君佳氣指  
春陵鏡湖新雁起予否懶惰無心吹淡燈

秋半之夜思故參議菅公以叙舊懷

公去我存倍斷腸悲秋不耐荷恩先生前富貴一場  
夢身後譽聲千歲芳老淚多隨檐滴落舊情唯逐漏

厚圃集 卷三十一 七  
更長佳期何必恨無月別有人間明鑑亡

管相公卒哭忌辰有感而作

遊魂何處絕音塵往事嗟嘆淚濕巾獨必悲秋論宋  
玉別來觀物弔靈均黃堂下榻思情舊赤牘盈函手  
澤新夜夜長思天亦曙老衰不夢見斯人

重陽吟

九九筭齡九九辰滿城雨霽氣清新傾盃皆醉黃花  
酒落帽自稱皤髮人宋子京嘗糗糕羨蘓明允任布  
衣貧崔莊何必期來歲九九筭齡九九辰

九月十三夜

秋霖濛濛毒吾腸偏喜晴光漸上床雲送賓鴻見毛  
羽門題神虎掛衣裳白蘆添色藤蘿影青豆堆盤芋  
栗香天爲人間表謙德輪規欲滿未圓相

餞贈肥後拾遺歸西陽

口唱渭城指各天相思千里兩情同伯勞陟燕東西  
地意馬心猿左右邊錦纜牙樁海波穩白旄黃鉞塞  
垣堅老來偏苦生離別况又會期限二年

豫修常憲廟十七回忌辰法會

靈廟巍然棟宇隆神遊何處恨長空岐陽鳳集德輝  
現漢室龍興文化洪威入風雲泡影幻恩侔海嶽始

衷終世粧禮典與時改知有誠情地下通

更願以嗣雞峯四十回忌辰悲淚不乾追慕有餘

因賦一律以抒寸情

永訣如夢四十回附與兩男採蘋藻鷄薦得時思已  
深鶴髮帶雪身亦老文廟祭儀長久傳箕業專攻暗  
默禱不才不量惟何幸官秩俸祿逾祖考

除日吟

少壯勞動老更休清貧處分亦何求舊青氈備一家  
具新畫圖通千里遊野服迎賓無報謝架書敦好有  
餘謀春來修約宜行樂爲卜浣花溪水幽

鳳岡林先生全集卷之三十一

[Faint bleed-through text from the reverse side of the page]

鳳岡先生全集卷之三十二

男朝散太夫國子奈酒林信充士僖父外輯

詩部

七言律詩

常憲廟

又遇忌辰望九原白頭自愧老身存  
王孫草忌遊歸計上苑梅留撫愛痕  
雙袖龍鍾今日淚一家螽羽舊時思  
祝堯壽酒竟無益空向星壇不肯言

顯祖六十九回忌辰

總角且昏侍講讀耄齡豈忘教誨極  
濂溪庭草感榮

枯浮山村梅絕消息無咎無責五朝恩有官有祿一  
家職幸傳餘慶至祗今盡是先人稽古力

肥後拾遺源君乙巳之春令筭五十嫡子衆  
子及群臣開宴賀之遙聞盛集謹呈一律  
松林相約長生術百尺兒絲千載苓鷓薦英才今已  
見鱸飛瑞兆昔曾聽南山祝壽入清唱北海傾樽酌  
濁醴比壯始衰比老少爲君遙獻我遐齡

哀悼故參議兼左中將菅公

北鎮世世固邦基爵祿威望冠一時屈宋招魂長不  
返陳徐下榻每相知天中靈瑞分龍種岡上德輝覽

鳳儀吉甫能文還好武清風穆若唱周詩

賀左中將井伊公有弄璋之慶

世世武林功績大朱藩皂蓋萬夫魁熊璋入夢一家  
慶驥德託身千里材嶽降神光靈氣現天生英妙斗  
星回爲君欲約長生術八十老翁勸壽杯

七夕

佳氣依舊約清風烏鵲南飛橋上通我解印累歌碩  
軸人懸絲願競奇工別來心事雖無盡此夕會逢皆  
作空未借銀河涼一滴世間大旱蘊蟲蟲

中元偶作

白首驚看星物移舊懷多少起秋思玄都大獻本無  
用赤壁前遊更有期火樹銀花列燈市青蓮珍菓奉  
家祠上天月色涼如水人世炎蒸那解知又會盡  
掛屏對疊步前韻  
殘暑薰人推叵移郊墟涼氣日相思星盟一會報歡  
後月影八過與我期人世榮途任命運厲壇冥福廢  
淫祠蘭盆習俗由來久地下精靈知不知  
世世執政拾遺岡崎城主源君和余七夕詩韻幸  
辱芳惠吟之則九奏曲中之一也味之則  
八珍醜味之一也不堪歡粽乃依前韻

良辰奇遇駕涼風千古星盟兩約通梭織曾知催紡  
績機絲何必倩針工月宮有象晴光近河漢無波綠  
水空欲知雲間歌舞曲人中亦聽報秋蟲

謝藤佐州惠蘭花 并序

麾下執事佐州太守藤君常春被惠蘭花  
數枝風香滿座薰徹面山飲賞弗措謝意  
難盡漫賦一律以謝厚意

九畹名種斐然章綺石養根葉葉長菊蕊曾修親友  
好芙蓉漫學美人粧風標有德有佳色天性不榮不  
艷陽喚做花中晉徵士秋叢寂寞認幽香

九日吟

晚秋爽氣轉清涼  
美景滿林辰亦良  
風落帽紗慵櫛  
飾夙題糕字倦詩  
章囊中藥換茱萸  
佩盃底酒留菊  
蕊香偏喜一家強  
健會年年長是問  
崔莊自註云老妻在病床  
而作寓規  
祝之意

十三夜祝老妻病愈

我國佳期賞今夕  
檐間餘滴露瀼瀼  
延齡菊祝壽千  
歲搗藥兒探垣一  
方天授衣裳寒意  
薄雨降膏澤瑞  
雲揚尋常秋半舞  
霓羽月姊不如姊  
袂良三四改作稱賓雁報  
漸來約搗藥  
免傳長壽方

祭亡室

并序

余致仕之後氣乏心羸  
懶倦埤益不知家  
事不管世務撫枕擁  
衾偃卧而已今日偶  
當亡室定肅十一回  
忌辰家嫡修祭余亦  
傍觀不堪哭泣漫作  
一律以述寸情

拋官投老日衰耗形  
骨雖存失本精月下  
影催雙照淚花前酒  
為阿誰傾慈教永遺  
斷機跡禮敬皆稱舉  
案名後我生兮先我  
去不堪同契合歡情

雞峯四十一回忌辰不堪懷舊偶作投淚

八十頑翁身未亡  
感時懷舊倍悲傷  
昔曾強壯勤官

務今更耗衰謝世粧冠服掛門炊粟飯衾稠撫枕卧  
藜床一家事業皆關意思汝無忘老殆狂

歲暮吟

擁衾撫枕不知寒舉世辛勤行路難拋笏漫稱逸民  
散考繁屢唱碩人寬無求無責情聊適有子有孫身  
亦安幸得良方無妄藥長修偕老一家歡

常憲先主正忌辰齋戒沐浴拜請

舒卷風雲龍虎勢偏驚改變忽須臾齊韶樂舞鼓笙  
響周易講論爻卦圖鶴立侍臣難遂志鶴鬚遺老欲  
迷塗天公若假聖年數四海一家咨曰俞

和執政岡崎城主拾遺立春詩

夙酌洞庭杯酒春滿腔微暖氣清新綵花映日百官  
賜白鶴起雲雙翼伸瑞兆先尋司曆史治教遠及省  
風人青旛揚示農耕事休說蕩前寒荐臻

對花懷舊自笑自嘲

青年醉賞約春事白首蹉跎負舊盟紫燕黃鸝應笑  
我暗桃明李欲論榮花無今是昨非色人有夕憎朝  
愛情香風滿帳攪殘睡擁枕微吟夢未成

三月盡偶賦一律示塾生

三月正當三十日長繩猶未繫青春黑甜餘睡蟻侵



座白髮紛飛鶴化身花影闌珊催竹事豆羹骨董任  
簞貧老衰偏覺光■急志氣已空拋鏡頰

漫詠紅白牡丹示塾生

兩般佳影最清奇日月雙輪出海涯分取夏商尊尚  
色併看薛壽醉醒姿棠妃應是太真儷藥相先期之  
反遲花下欲尋蝴蝶夢紅樓白宿托何枝

男士僖傍觀疊和早成可以嘉獎因余亦押

前韻以責塾生懶倦和遲

洛種十分春色奇紅霞白雪浩無涯當爐卓女留娟  
靨傅粉何郎羞麗姿桃李輿僮鞭闢著椒蘭瑞駕輦

從遲丹青難畫天香妙風繞欲開欲落枝

追悼菅公

并序

恭惟在昔菅參議從三位公以癸未之歲  
生矣我以甲申之歲生矣其降誕先我纔  
一年也其薨逝先我已三年也厥初公告  
曰同庚之齡殆相肖矣永以爲好互修社  
會且又好學問字贈酬頻繁師友之禮不  
倦不缺聘禮之厚顧問之切非尋常親朋  
接對之比也方今公去我存哀哉惜哉今  
日正當大祥忌辰哭而慟追而悼飲食起

居展轉及側如視其色如聽其聲須臾之間不能忘之因賦一律以抒寸衷

嵩嶽降神生甫申文華武備撫州民身如萬里雲泥  
異義等一家骨肉親縞帶紵衣思眷舊彩毫彤管手  
書新遠遊不返天無意宗室雋望奪此人

夢參議管公有感作

憶昔瓊筵講經宴高談雄辨互專攻遠游留翫王孫  
草貞操偪強豪傑松午節雨添今日淚屋梁月見舊  
時容靈魂定在風塵外天上麒麟地上龍

自叙奉寄肥後侯

八十三翁身未亡起居扶杖卧茅堂性耽閑淡移花  
卉家任清貧足稻粱壯歲會遊多人夢耄齡志氣殆  
如狂舊知疎濶新知少撫愛兒孫送夕陽

肥後侯和示之格律優長語句清新嘉獎有餘卷舒不措故依原押

詩書在左史編右我亦容身六乙堂榮悴隨時三逕  
草毀譽任運一炊梁替康懶性歌而嘯杜甫吟思老  
更在人世不知消長理從來天道管陰陽

嫡男祭酒和京師市尹本多筑牧被示詩韻

余亦倣之

告暇 禁廷拜 恩命風吹雙袂忽分離紅塵紫陌  
東西尹綠橘朱櫻左右籬烟逐鴨河流過早雲橫鳳  
闕日升遲他鄉不異故鄉美自笑人情更變移

中秋

我無斗酒與山肴佳期空遇秋半暮清風兩腋玉川  
茶野味滿盤錦里芋湖西分光芙蓉花山南現影闍  
扶樹少壯遊賞大耄過詩料全盡懶題句

追悼穎定先生

并序

永訣之後死生契濶世經四葉齡踰八旬  
靜觀世態盛者衰弊富者貧苦桑田變海

高岸爲谷千變萬化似歷數百年悠哉久

哉露往霜來物換星移光陰之疾如矢如

流夢幻泡影黍炊梁熟如過一兩瞬早哉

速哉追慕有餘感懷不已因賦一律

蘭蕙枯凋不耐秋秋心二字合爲愁目窮雁外信音  
絕恨入鴿原寤寐求風雨連牀哀夜語雲出當戶記  
曾遊別來家事吉凶半默數千支已一周

重陽

鉛背龍鍾一老叟九九餘齡逢九九登高曾遊插萸  
囊休官疎懶任蓬首新詩漫題棗蒸饅舊俗同酌桑

落酒黃花采採嗅清香淵明與我有前後

和奉執政岡崎城主拾遺源君中秋詩韻

秋半漸知霜力輕家家砧杵萬聲鳴匹如三畫乾皆  
滿顧視一輪方寸明梧葉韜光金菊散荻蘆交色玉  
蓉清硯池涵影龍蛇動萬歲蟾蜍鸚鵡晴

九月十二夜

火壯賞遊過幾歲詞林陳腐共新奇幼孫橫膝王文  
度舊容絕音鍾子期遣興青藜先徹後托情玉桂未  
盈時上天垂象妖祥異人世休言多變移

隱居數歲之後書懷

慚愧村前老瓦盆豆羹美簞食晚來餐門無鎖鑰足音  
絕床有陳編手澤存厚祿故人嘆永訣舊知新友吊  
靈魂風神秀發衛家美他日應期膝上孫

衛玠五歲  
祖父衛瓘

有不見成長之  
嘆故借用之

殘菊

黃白交色傲風霜晚節清高百卉長採采有香滿袖  
薰開盡無花移根養芙蓉妍姿苦尋常叢蘭閑性  
是同樣東籬寂寞對南山元亮身後又元亮

辱水戶參議公之招恭賦一律以抒景情

風物推移歲月回名園依舊石鄒枚遺書觀察瑞麟

閣健筆精奇銅雀臺老樹森森餘庇蔭宗藩世世祝  
英才晴池分得天潢派尋取源頭活水來

追悼柎原政邦公 并序

今茲丙午仲冬十四日從四位下侍從柎  
原政邦公卒去其年五十二嗚呼哀哉惜  
哉祖先世世為先鋒職勇功絕倫載在口  
碑公繼其家聲名頗著而領播州姫路監  
筑紫鎮護然猶欲列近職盡忠勤有志無  
時隱憂不散其性稟質朴有古人風武備  
之暇好文學嗜倭歌與余世交特厚及聞

訃音哭慟有餘別淚不乾仍賦一律以抒

哀情

武門魁帥一家任勇氣忠心兼得全韓信豈為樊噲  
伍劉琨唯恐祖生先紫臺月落關雲暗赤石浦空朝  
霧連世世功勳誰出右猶留餘勢至曾玄

除夕漫吟抒志

清隱休官事事幽竹扉苔逕我菟裘暮齡似雷光頻  
掣時序如川流不留衾枕安身忘外務圖書傳業謝  
他謀始知老馬為駒去偶與幼孫相戲遊

鳳岡林先生全集卷之三十二

鳳陽縣志卷二十一


鳳陽縣志卷二十一

鳳陽縣志卷二十一

鳳陽縣志卷二十一

鳳陽縣志

鳳陽縣志卷二十一



鳳陽縣志卷二十一

